

Broj: 01-02-2574/23

Sarajevo, 27.10.2023. godine

Z A P I S N I K

8. VANREDNE SJEDNICE PREDSTAVNIČKOG DOMA PARLAMENTA FEDERACIJE BIH, održane 25.10.2023. godine

Sjednica je počela u 10.18.

Sjednicom je predsjedavala potpredsjedavajuća Edina Gabela.

Potpredsjedavajuća Gabela pozdravila je zastupnice i zastupnike, goste kao i predstavnike akreditiranih medijskih kuća koji prate rad sjednice.

Izostanak su opravdali: Begajeta Čaušević, Mirza Batalovć, Alija Jusić i Haris Silajdžić.

Prema evidenciji Stručne službe, potpredsjedavajuća je konstatovala da sjednici prisustvuje dovoljan broj zastupnika za kvalitetan rad i odlučivanje.

Poslovničku intervenciju vezanu za vođenje sjednice imala je Jasmina Biščević-Tokić.

Sekretar Milićević dao je određena pojašnjenja.

Data je pauza, kako bi se sastale Ustavna komisija i Zakonodavno-pravna komisija, da daju mišljenje vezano za ovlaštenje vođenja sjednice.

Nakon pauze, dodatno obrazloženje dao je Belmin Zukan, ispred Zakonodavno-pravne komisije i Mladen Bošković, ispred Ustavne komisije.

Uslijedila je rasprava u kojoj su učestvovali: Nezir Pivić, Belmin Zukan, Jasmina Biščević-Tokić, Mirsad Zaimović, Dragan Mioković, Mladen Bošković, Mahir Mešalić i Amra Kaljić – Junuzović.

Adnana Efendić, u ime Kluba zastupnika SDA tražio je pauzu 30 minuta.

Nakon pauze, prešlo se na aktuelni sat.

Zastupnička pitanja

Damir Mašić pitanje je postavio Ministarstvu saobraćaja i komunikacija i Upravi Autocesta, vezano za tunel Hranjen - zbog čega su probijeni rokovi, i potrošena sredstva i ko će za to odgovarati.

Naredno pitanje vezano je za most u Počitelju - utvrđeno je pucanje na mostu, zaustavljeni su radovi, ko će za to odgovarati.

Mirsad Čamdžić pitanje je uputio ministru Lakiću, vezano za Termoblok 6 u Tuzli – da li su Termoblok i zgrada Elektroprivrede pod hipotekom ruske Sberbanke? Da li je 214 miliona koji su na računu Exim banke osigurano. Da li ugovor može biti dostupan javnosti, da li u ugovoru stoji bilo kakva sankcija ili obaveza Elektroprivrede, radi se konkretno o tome kada je Generalelectric otkazao proizvodnju kotlova da je China Boilers ponudila kotao a da Elektroprivreda nije dala nikakav odgovor.

Admir Čavalić prvo pitanje uputio je Ministarstvu finansija - da li imamo neke simulacije u vezi različitih stopa doprinosa u FBiH, 30%, 28%, 27%, 25% i slično, analiza pisanih dokumenata u vezi navedenog u kontekstu izmjena fiskalnih zakona.

Drugo pitanje je Tužiteljstvu BiH – kojih devet fakulteta je pod istragom Tužiteljstva u vezi lažnih diploma.

Naredno pitanje – gdje se odlaže radioaktivni medicinski otpad na području Federacije BiH.

Inicijativu je uputio prema Federalnom ministarstvu zdravstva, kojom traži da nadležni zavodi revidiraju spiskove djece sa cističnom fibrozom, sa ciljem identifikacije onih za kaftrio terapiju.

Mahir Mešalić pitanje je uputio premijeru i ministrima finansija i rada i socijalne politike, vezano za raspodjelu sredstava od Lutrije BiH – znači li da, ako se novac ne raspodjeli do kraja 01.01.2024. godine, da najugroženije kategorije neće dobiti taj novac.

Mario Karamatić postavio je pitanja vezana za državnu zastavu i postavljanje iste.

Hamdija Abdić pitanje je uputio federalnom ministru finansija i federalnom ministru rada i socijalne politike, a vezano za raspodjelu novca od Lutrije BiH, a te da ministri daju objašnjenje za ovu situaciju.

Dragan Mioković, zahvalio se ministrici Vlasisavljević na prihvatanju njegove inicijative vezane za finansijsko zbrinjavanje Lane Pudar.

Ponovio je dvije inicijative na koje nije dobio odgovor. Prva inicijativa vezana je za traženje odgovora, da li je procedura izbora liste za sudiju Ustavnog suda BiH, koji se bira u Predstavničkom domu Parlamenta FBiH provedena na način kako to propisuje Poslovnik ili je prekršena. Druga inicijativa bila je da se pokrene procedura izmjene Odluke o načinu izbora sudije Ustavnog suda BiH kojeg bira Predstavnički dom Parlamenta FBiH, s obzirom da smatra da je ta odluka koja je donesena 2005. godine zastarjela.

Sanel Kajan pokrenuo je inicijativu da se sa nivoa Federacije BiH urgira prema Institutu za nestale osobe Bosne i Hercegovine kako bi se obavilo pretraživanje kopa jezera Vihovići u Mostaru, te dao obrazloženje.

Narednom inicijativom traži da se izvrši nabavka dovoljnih količina protivotrova za ugriz zmija za narednu godinu.

Podsjetio je Zavod za javno zdravstvo da dostavi odgovor, vezano za informaciju o tome, u kojim flaširanim vodama je nađena streptokoka i ešerihija koli.

Alma Kratina pitanje je uputila Vladi Federacije BiH i Federalnom ministarstvu rada i socijalne politike - čime se rukovodilo ministarstvo prilikom potpisivanja uvjeta za prijavu za podršku za energetski siromašna domaćinstva, u dijelu izmjene da se aplikant odriče prava da ikada aplicira na sredstva za utopljanje stambdneih obekata iz Fonda za zaštitu okoliša. Također, osvrnula se i na ugrožene grupe penzionera koji žive u RS, a ostvarili su federalne penzije.

Kenela Zuko prvo pitanje uputila je rukovodstvu Doma - zašto ne želi sazvati tematsku sjednicu "Položaj osoba sa invaliditetom u Federaciji BiH".

Kazala je da je u prethodnom mandatu pokrenuta inicijativa prema tri ministarstva obrazovanja i nauke, zdravstva i rada i socijalne politike, a tiče se izrade tri pravilnika propisana odredbama Zakona o ustanovama socijalne zaštite Federacije BiH, kako bi se u ustanovama socijalne zaštite zapošljavali isključivo stručni kadrovi.

Također, pitanje je uputila vezano za finansijska sredstva za kupovinu udžbenika koja su predviđena u Programu rada Federalnog ministarstva obrazovanja i nauke, a obzirom da novac nije utrošen, na koji način će biti utrošen, odnosno da li će se kantonima retroaktivno isplatiti ili se predviđa drugi način utroška.

Naredno pitanje tiče se osiguranja u školama, s akcentom na učenike i zaposlenike, te traži informaciju o realizaciji, odnosno koliko je sprovedena po kantonima u Federaciji BiH,

Pokrenula je inicijativu prema Federalnom ministarstvu rada i socijalne politike, Federalnom zavodu penzijskog i invalidskog osiguranja i Zavodu za statistiku FBiH, kojim traži dostavu podataka o broju porodica sa jedno, dvoje, troje, četvero i više djece.

Drago Stanić pitanje je uputio rukovodstvu Doma i Zajedničkoj službi – kada će se prilagoditi pristup invalidnim osobama u dvoranu Parlamenta Federacije BiH, posebno onima koji koriste invalidska kolica.

Marijana Hrvic – Šikuljak pokrenula je inicijativu za izradu Strategije za borbu protiv nasilja nad djecom u Federaciji BiH.

Inicijativa na koju nije dobila odgovor, odnosi se na izradu propisa kojim se zabranjuje upotreba mobilnih telefona i tableta tokom trajanja nastave u svim osnovnim i srednjim školama, osim u situacijama kada je upotreba neophodna zbog medicinskih, edukativnih i drugih opravdanih razloga.

Također, nije dobila odgovor na inicijativu koju je pokrenula 16. juna prema Ministarstvu zdravstva a odnosi se na nabavku i uvrštavanje na listu onih lijekova u bolničkoj zdravstvenoj zaštiti koji se mogu koristiti na teret sredstava Fonda solidarnosti FBiH.

Također, osvrnula se i na svoje pitanje vezano za finansiranje udžbenika u Tuzlanskom kantonu i Unsko-sanskom kantonu.

Ajla Milišić-Pepić pokrenula je inicijativu za izmjenu Zakona o vatrogastvu, odnosno članova 105. i 106., te dala obrazloženje.

Pitanje je uputila Federalnom ministarstvu finansija i Federalnoj upravi za inspekcijske poslove, a vezano je za izdavanje potvrda za rad onim kladionicama za koje su općinske službe za katarstar, premjerom utvrdile da se nalaze na udaljenosti manjoj od 100 metara od škola, sa akcentom na centar Ilidže.

Pokrenula je inicijativu za nabavku i uvrštavanje na esencijalnu listu lijekova za liječenje multiplog mijeloma i drugih rijetkih krvnih bolesti.

Fahrudin Skopljak komentirao je odgovor na pitanje koje je postavio preduzeću Ceste Federacije BiH, a vezano za ceste na području Tuzlanskog kantona.

Slaven Raguž prvo pitanje uputio je federalnom pravobranitelju Jakovu Dujiću – koje aktivnosti poduzima ili planira poduzeti po pitanju pravnog gonjenja, u cilju zaštite imovine Federacije BiH odgovornih iz Federalne agencije za upravljanje oduzetom imovinom zbog nezakonitosti utvrđenih od strane Ureda za reviziju institucija Federacije BiH.

Naredno pitanje uputio je direktoru JP Elektroprivreda HZHB – zašto nisu postupili u skladu sa potpisanim ugovorom o kupovini dijela objekta od Sveučilišta u Mostaru poslovni prostor u Rodoču, a na osnovu Odluke o kupovini nekretnine od 07.06.2021. godine i tražilo povrat uplaćenog avansa od strane prodavača. Traži da mu se dostavi spomenuti ugovor zajedno sa svim potpisanim aneksima po osnovu ugovora sa Sveučilištem u Mostaru.

Naredno pitanje uputio je ministru Rimcu a vezano za preglede koji se rade u privatnim ustanovama a na teret Zavoda zdravstvenog osiguranja, te da se nađe rješenje da pacijenti ne moraju čekati na preglede, nego da to urade u razumnom roku.

Haris Šabanović pokrenuo je inicijativu da sjednice Predstavničkog doma Parlamenta FBiH počinju državnim himnom.

Amel Mekić pokrenuo je inicijativu za uvođenjem državne himne na svakoj sjednici, te još jednom pita kada će se moći o njoj izjasniti.

Suada Halilović pitanje je uputila Federalnom ministarstvu prometa i komunikacija - da li postoji i kako se vrši kategorizacija cesta u Federaciji i da li u nekom od akata postoji kategorija ceste - saobraćaj rezervisan za motorna vozila, na osnovu čega se vrši kategorizacija cesta u Federaciji, te na koji način dionica puta od isključenja sa ceste A1 na naplatnim kućicama pa sve do Lašvanske petlje ima oznaku – saobraćaj rezervisan za motorna vozila.

Pitanje je postavila i Javnom preduzeću Autoceste FBiH – kada se može očekivati gradnja prve dionice Jadransko-jonske autoceste od petlje Počitelj, do križanja sa magistralnom cestom Stolac-Neum.

Safet Omerović pokrenuo je inicijativu za stabilnije i veće finansiranje Fonda solidarnosti na nivou Federacije BiH.

Siniša Dukić pokrenuo je inicijativu za izmjenu člana 25. Zakona o državnoj službi Federacije BiH te dao obrazloženje.

Elzina Pirić pitanja je postavila vezano za onkološke pacijente u tuzlanskom kantonu. Šta se dešava sa Odjeljenjem za radioterapiju Univerzitetsko-kliničkog centra Tuzla i da li je tačno da je Univerzitetsko-klinički centar, Odjeljenje za radioterapiju i njihovi aparati izgubili licence, zbog nerada pojedinih uposlenika i pojedinih službi i samog menadžmenta Kliničkog centra; šta se desilo sa nabavkom linearnog akceleratora i prateće opreme za zračenje pacijenata na onkološkom odjeljenju; ko je dao saglasnost za formiranje tenderske komisije Kliničkog centra, da li je prvoformirana komisija završila i predala formulisani tekst tenderske procedure menadžmentu i kada; Ako je predala, zašto se čekalo tri mjeseca za javno oglašavanje tendera; iz kojeg razloga je provodna tenderska komisija izmijenjena i odmah zatim je pušten tender u proceduru; ko je dao zeleno svjetlo da se tender objavi u četvrtom mjesecu; da li je tačna informacija da je vršen pritisak na prvobitnu komisiju od pomoćnika direktora Šefika Husića i Sadete Jagodić da se potpišu neprotokolisani i neovjereni dokumenti. Poziva nadležne da provjere navode i to šta se dešava na Univerzitetsko-kliničkom centru Tuzla.

Azra Okić pitanje je uputila ministrici okoliša i turizma a vezano za davanje okolinske dovole firmi Ibra d.o.o.

Ivica Šarić pitanje je uputio vezano za Etički kodeks, te u kojoj fazi je usklađivanje Etičkog kodeksa sa drugim pravnim aktima, s kojima je bio u suprotnosti.

Amir Purić pitanje je uputio federalnom ministru pravde - zašto nije izvršen nadzor nad primjenom Zakona o principima lokalne samouprave u Federaciji BiH.

Prešlo se na utvrđivanje dnevnog reda.

U raspravi o izmjenama i dopunama dnevnog reda učestvovali su: Mladen Bošković, Almedin Aliefendić, Damir Mašić, Mirsad Čamdžić, Mahir Mešalić, Admir Čavalić, Hajrudin Žilić i Amel Mekić.

Prijedlog da se u dnevni red uvrsti tačka Prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja FBiH za 2023. godinu, izmjene i dopune Finansijskog plana Federalnog fonda solidarnosti za 2023. godinu (Anex I) i Odluku o načinu izvršavanja rebalansa Finansijskog plana Zavoda zdravstvenog osiguranja i reosiguranja FBiH za 2023. godinu, usvojen je sa 57 glasova za, sedam glasova protiv i 11 uzdržanih glasova.

Prijedlog Vlade Federacije BiH da se Prijedlog Odluke o izmjenama i dopunama Budžeta Federacije BiH za 2023. godinu razmatra po hitnom postupku, na osnovu pojedinačnog izjašnjavanja, usvojen je sa 54 glasa za, pet glasova protiv i 25 uzdržanih glasova.

Prijedlog Vlade Federacije BiH da se Prijedlog Zakona o izmjenama i dopunama Zakona o izvršavanju Budžeta Federacije BiH za 2023. godinu razmatra po hitnom postupku, usvojen je sa 54 glasa za, sedam glasova protiv i 16 uzdržanih glasova.

Prijedlog Kluba zastupnika SDA da se u dnevni red uvrsti Deklaracija, na osnovu pojedinačnog izjašnjavanja nije usvojen (42 glasa za, dva glasa protiv i 41 uzdržani glas).

Sa 55 glasova za, 13 glasova protiv i 11 uzdržanih glasova, usvojen je sljedeći:

D N E V N I R E D

1. Prijedlog Odluke o izmjenama i dopunama Budžeta Federacije BiH za 2023. godinu - hitni postupak,
2. Prijedlog Zakona o izmjenama i dopunama Zakona o izvršavanju Budžeta Federacije BiH za 2023. godinu - hitni postupak,
3. Prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja FBiH za 2023. godinu, izmjene i dopune Finansijskog plana Federalnog fonda solidarnosti za 2023. godinu (Anex I) i Odluku o načinu izvršavanja rebalansa Finansijskog plana Zavoda zdravstvenog osiguranja i reosiguranja FBiH za 2023. godinu.

U ime Kluba zastupnika DF, pauza pola sata.

Nakon pauze, prešlo se na rad po tački 1. dnevnog reda.

Zastupnici su sa 57 glasova za, bez glasova protiv i uz šest uzdržanih glasova, donijeli zaključak da se objedine prve dvije tačke, a da se glasanje vrši po svakoj tački posebno.

1. **Prijedlog Odluke o izmjenama i dopunama Budžeta Federacije BiH za 2023. godinu - hitni postupak**
2. **Prijedlog Zakona o izmjenama i dopunama Zakona o izvršavanju Budžeta Federacije BiH za 2023. godinu - hitni postupak**

Prijedlog Odluke i Prijedlog Zakona utvrdila je Vlada Federacije BiH.

Ispred Vlade FBiH dodatno obrazloženje dao je ministar Toni Kraljević i Alija Aljović.

Ispred Odbora za ekonomsku i finansijsku politiku obrazlagao je Admir Čavalić.

Ispred udruženja koja su pokrenula inicijativu za rješavanje problema Liste čekanja, Domu se obratio Sead Sefić.

U raspravi su učestvovali: Admir Čavalić, Amra Kaljić-Junuzović, Mirsad Čamdžić, Ivica Šarić, Alma Kratina, Kenan Uzunović, Amel Mekić, Eldar Čomor, Melika Mahmutbegović, Sandi Salkić, Mara Đukić, Kenela Zuko, Halil Bajramović, Slaven Raguž, Fadil Novalić, Hamdija Abdić, Adnan Efendić, Mladen Bošković, Jasmina Bišćević-Tokić, Amir Purić, Hajrudin Žilić, Almedin Aliefendić, Mahir Mešalić, Mario Karamatić, Mirsad Zaimović, Fahrudin Skopljak, Maja Uremović i Ilda Alibegović.

Na traženje Kenana Uzunovića, data pauza deset minuta.

Nako pauze, data je pauza sat vremena, te se u međuvremenu očekuje izjašnjenje Vlade Federacije BiH, kao i da se sastanu Zakonodavno-pravna komisija, Odbor za ekonomsku i finansijsku politiku, kako bi dostavili svoje mišljenje.

Nakon pauze, prešlo se na izjašnjenje o amandmnima.

Amandman Marijane Hrvic-Šikuljak vezan za ekonomski kod 6143 Tekući transferi neprofitnim organizacijama – Transfer za mlade, na osnovu pojedinačnog izjašnjavanja nije usvojen (32 glasa za, bez glasova protiv i 48 uzdržanih glasova).

Amandman Slavena Raguža, koji se odnosi na ekonomski kod 6141, tekući transferi drugim nivoima vlasti i fondovima, novu poziciju transfer Općini Vitez za rješavanje vodosnabdijevanja, nije usvojen (32 glasa za, šest glasova protiv i 29 uzdržanih glasova).

Amandman Bajre Makića, koji se odnosi na ekonomski kod 8213 nabavka opreme letjelica za gašenje požara nije usvojen (30 glasova za, tri glasa protiv i 40 uzdržanih glasova).

Amandman Kluba zastupnika SBiH koji se odnosi na razdjel 20 ekonomski kod 6141 tekući transferi drugim nivoima vlasti i fondovima ZZO i reosiguranje, na osnovu pojedinačnog izjašnjavanja nije usvojen (31 glas za, jedan glas protiv i 45 uzdržanih glasova).

Amandman Indire Omeragić, koji se odnosi na ekonomski kod 6145 subvencija privatnim preduzećima i poduzetnicima, podsticaj za poljoprivredu, na osnovu pojedinačnog izjašnjavanja nije usvojen (30 glasova za, dva glasa protiv i 43 uzdržana glasa).

Amandman Hajrudina Žilića, koji se odnosi na ekonomski kod 6141 tekući transferi drugim nivoima vlasti i fondovima Zavod za zdravstveno osiguranje i reosiguranje FBiH, na osnovu pojedinačnog izjašnjavanja nije usvojen (31 glas za, bez glasova protiv i 41 uzdržani glas).

Amandman Ivice Šarića, koji se odnosi na novi ekonomski kod 6151 kapitalni transferi drugim nivoima vlasti i fondovima, obnova fasade i iluminacija zgrade Narodnog pozorišta, na osnovu pojedinačnog izjašnjavanja nije usvojen (28 glasova za, dva glasa protiv i 39 uzdržanih glasova).

Amandman I., Kenele Zuko, koji se odnosi na ekonomski kod 6441 tekući transferi drugim nivoima vlasti i fondovima za finansiranje nabavke elektronskih mjerača za kontrolu šećera u krvi, na osnovu pojedinačnog izjašnjavanja nije usvojen (26 glasova za, bez glasova protiv i 34 uzdržana glasa).

Drugi amandman Kenele Zuko, koji se odnosi na ekonomski kod u okviru Federalnog ministarstva obrazovanja i nauke tekući transferi drugim nivoima vlasti i fondovima za finansiranje i zapošljavanje nastavnog osoblja u osnovne škole na nivou Federacije BiH nije usvojen (25 glasova za, pet glasova protiv i 36 uzdržanih glasova).

Amandman Edite Mazić, koji se odnosi na ekonomski kod 6141 transfer za razvoj turizma nije usvojen (21 glas za, tri glasa protiv i 32 uzdržana glasa).

Drugi amandman Edite Mazić, koji se odnosi na ekonomski kod 6154 kapitalni transferi javnim preduzećima za sufinansiranje izgradnje željezničke infrastrukture nije usvojen (21 glas za, dva glasa protiv i 37 uzdržanih glasova).

Amandman I. Kluba zastupnika SDA, koji se odnosi na ekonomski kod 6141 tekući transferi drugim nivoima vlasti i fondovima Zavod za transfuzijsku medicinu, nije usvojen (23 glasa za, tri glasa protiv i 40 uzdržanih glasova).

Amandman II. Kluba zastupnika SDA, koji se odnosi na ekonomski kod 6142 tekući transferi za raseljena lica i povratnike, nije usvojen (23 glasa za, jedan glas protiv i 43 uzdržana glasa).

Amandman III., Kluba zastupnika SDA, koji se odnosi na ekonomski kod 6142 tekući transferi za programe povratnika u RS, nije usvojen (21 glas za, dva glasa protiv i 42 uzdržana glasa).

Amandman IV., Kluba zastupnika SDA, koji se odnosi na ekonomski kod 6144 subvencioniranje Javnim preduzećima za uvezivanje staža, nije usvojen (25 glasova za, bez glasova protiv i 41 uzdržani glas).

Amandman V., Kluba zastupnika SDA, koji se odnosi na ekonomski kod 6142 tekući transferi podsticaj pojedincima pri kupovini električnih automobila, nije usvojen (22 glasa za, tri glasa protiv i 38 uzdržanih glasova).

Amandman VI., Kluba zastupnika SDA, koji se odnosi na ekonomski kod 6142 tekući transferi pojedincima, podsticaj za izgradnju brzih punionica za električne automobile, nije usvojen (18 glasova za, sedam glasova protiv i 36 uzdržanih glasova).

Amandman VII., Kluba zastupnika SDA, koji se odnosi na ekonomski kod 6142 tekući transferi drugim nivoima vlasti i fondovima Zavod za zdravstveno osiguranje i reosiguranje FBiH, na osnovu pojedinačnog izjašnjavanja nije usvojen (30 glasova za, bez glasova protiv i 47 uzdržanih glasova).

Amandman VIII., Kluba zastupnika SDA, koji se odnosi na ekonomski kod 8215 nabavka stalnih sredstava u obliku prava novi planski dokumenti, nije usvojen (24 glasa za, dva glasa protiv i 44 uzdržana glasa).

Amandman IX., Kluba zastupnika SDA, koji se odnosi na ekonomski kod 8215 nabavka stalnih sredstava u obliku prava prostorni plan Federacije BiH Strategija prostornog plana, nije usvojen (16 glasova za, jedan glas protiv i 42 uzdržana glasa).

Amandman X., Kluba zastupnika SDA, koji se odnosi na ekonomski kod 6143 tekući transferi neprofitnim organizacijama provedba Zakona o zaštiti od nasilja u porodici, nije usvojen (22 glasa za, jedan glas protiv i 44 uzdržana glasa).

Amandman XI., Kluba zastupnika SDA, koji se odnosi na ekonomski kod 8215 nabavka stalnih sredstava u obliku prava provođenja istraživanje i izradi Akcionog plana povećanja kvaliteta unutrašnjeg zraka u školama i vrtićima u FBiH i zaštita zdravlja djece, nije usvojen (21 glas za, jedan glas protiv i 44 uzdržana glasa).

Amandman XII., Kluba zastupnika SDA, koji se odnosi na ekonomski kod 8215 nabavka stalnih sredstava u obliku prava izrada Akcionog plana za provođenje kriterija za zelene javne nabavke u javnim nabavkama planiranim na nivou Federacije BiH, nije usvojen (24 glasa za, dva glasa protiv i 43 uzdržana glasa).

Amandman XIII., Kluba zastupnika SDA, koji se odnosi na novi stav na ekonomskom kodu 6143 tekući transferi neprofitnim organizacijama Umjetnička galerija BiH i Historijski muzej BiH muzej književnosti i pozorišne umjetnosti BiH, na osnovu pojedinačnog izjašnjavanja nije usvojen (28 glasova za, četiri glasa protiv i 41 uzdržani glas).

Amandman XIV., Kluba zastupnika SDA, koji se odnosi na ekonomski kod 6141 tekući transferi drugim nivoima vlasti za refundiranje troškova pregleda za rano otkrivanje malignih oboljenja, nije usvojen (30 glasova za, bez glasova protiv i 42 uzdržana glasa).

Amandman XV., Kluba zastupnika SDA, koji se odnosi na ekonomski kod 6142 tekući transferi drugim nivoima vlasti i fondovima Zavod za zdravstveno osiguranje i reosiguranje FBiH, nije usvojen (30 glasova za, bez glasova protiv i 47 uzdržanih glasova).

Amandman XVI., Kluba zastupnika SDA, koji se odnosi na ekonomski kod 8215 nabavka stalnih sredstava u obliku prava izrade Regulacionog plana urbanog

krajolika Sarajevo, sa sarajevskom čaršijom, nije usvojen (25 glasova za, četiri glasa protiv i 39 uzdržanih glasova).

Amandman XVII., Kluba zastupnika SDA, koji se odnosi na ekonomski kod 8213 nabavka opreme za potrebe FUP-a, nije usvojen (26 glasova za, dva glasa protiv i 39 uzdržanih glasova).

Amandman XVIII., Kluba zastupnika SDA, koji se odnosi na ekonomski kod 6142 transfer pojedincima Zakon o podršci porodicama sa djecom u Federaciji BiH, nije usvojen (27 glasova za, bez glasova protiv i 43 uzdržana glasa).

Amandman Melike Mahmutbegović, koji se odnosi na razdjel 11, kabinet potpredsjednika Federacije BiH, nije usvojen (26 glasova za, 10 glasova protiv i 36 uzdržanih glasova).

Drugi amandman Melike Mahmutbegović, koji se odnosi na transfer za Fond solidarnosti, na osnovu pojedinačnog izjašnjavanja nije usvojen (28 glasova za, bez glasova protiv i 49 uzdržanih glasova).

Treći amandman Melike Mahmutbegović, koji se odnosi na ekonomski kod 6141 tekući transferi drugim nivoima vlasti i fondovima Zavod za transfuzijsku medicinu FBiH, nije usvojen (24 glasa za, dva glasa protiv i 39 uzdržanih glasova).

Amandman Melike Mahmutbegović i Indire Čaušević, koji se odnosi na povećanje sredstava Fondu solidarnosti nije usvjen (23 glasa za, tri glasa protiv i 39 uzdržanih glasova).

Na osnovu pojedinačnog izjašnjavanja, sa 60 glasova za, bez glasova protiv i 14 uzdržanih glasova, usvojen je Prijedlog Odluke o izmjenama i dopunama Budžeta Federacije BiH za 2023. godinu.

Zaključak Admira Čavalića – da Vlada FBiH pri planiranju izrade Budžeta FBiH za 2024. godinu omogući svim općinama/gradovima na području Federacije BiH da imaju jednaku i transparentnu mogućnost za apliciranje za federalnu podršku pri izgradnji bazena, nije usvojen (22 glasa za, tri glasa protiv i 38 uzdržanih glasova).

Amel Mekić predložio je zaključak. Na osnovu pojedinačnog izjašnjavanja, sa 50 glasova za, jednim glasom protiv i 18 uzdržanih glasova, usvojen je sljedeći:

Z A K L J U Č A K

Pozivaju se zastupnici Predstavničkog doma Parlamenta FBiH da dostave izjavu (i druge akte u skladu sa propisima), kojom daju saglasnost Računovodstvu Parlamenta FBiH da dio iznosa od plaće, naknade ili paušala, koje primaju kao zastupnici Predstavničkog doma Parlamenta FBiH, uplate za pomoć stanovnicima Gaze. Pozivaju se zastupnici da se u svojoj izjavi odreknu mjesečnog iznosa paušala.

Sve potrebne akte kao i osobe (pravne i fizičke), kojima će biti uplaćena sredstva zastupnici će naznačiti u svojoj izjavi.

Prešlo se na tačku 2. dnevnog reda i izjašnjavanje o amandmanima.

Ivica Šarić nije tražio da se o njegovom amandanu glasa.

Amandman I., Kluba zastupnika SDA, koji se odnosi na član 2. nije usvojen (16 glasova za, devet glasova protiv i 34 uzdržana glasa).

Amandman II., Kluba zastupnika SDA, koji se odnosi na član 3. nije usvojen (16 glasova za, osam glasova protiv i 40 uzdržanih glasova).

Amandman III., Kluba zastupnika SDA, koji se odnosi na član 4. nije usvojen (17 glasova za, šest glasova protiv i 36 uzdržanih glasova).

Amandman IV., Kluba zastupnika SDA, koji se odnosi na član 5. nije usvojen (18 glasova za, šest glasova protiv i 37 uzdržanih glasova).

Amanamdn V., Kluba zastupnika SDA, koji se odnosi na član 6. nije usvojen (18 glasova za, sedam glasova protiv i 37 uzdržanih glasova).

Amanamdn VI., Kluba zastupnika SDA, koji se odnosi na član 7. nije usvojen (14 glasova za, sedam glasova protiv i 40 uzdržanih glasova).

Amanamdn VII., Kluba zastupnika SDA, koji se odnosi na član 8. nije usvojen (17 glasova za, pet glasova protiv i 40 uzdržanih glasova).

Amanamdn VIII., Kluba zastupnika SDA, koji se odnosi na član 9. nije usvojen (12 glasova za, pet glasova protiv i 74 uzdržanih glasova).

Amanamdn IX., Kluba zastupnika SDA, koji se odnosi na član 10. nije usvojen (18 glasova za, sedam glasova protiv i 39 uzdržanih glasova).

Amanamdn X., Kluba zastupnika SDA, koji se odnosi na član 11. nije usvojen (17 glasova za, 12 glasova protiv i 37 uzdržanih glasova).

Amanamdn XI., Kluba zastupnika SDA, koji se odnosi na član 12. nije usvojen (19 glasova za, 12 glasova protiv i 37 uzdržanih glasova).

Na osnovu pojedinačnog izjašnjavanja, sa 51 glasom za, jednim glasom protiv i 22 uzdržana glasa usvojen je Prijedlog Zakona o izmjenama i dopunama Zakona o izvršavanju Budžeta FBiH za 2023. godinu.

3. Prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja FBiH za 2023. godinu, izmjene i dopune Finansijskog plana Federalnog fonda solidarnosti za 2023. godinu (Anex I) i Odluku o načinu izvršavanja rebalansa Finansijskog plana Zavoda zdravstvenog osiguranja i reosiguranja FBiH za 2023. godinu.

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Odbora za zdravstvo obrazloženje je dala Amra Kaljić-Junuzović.

U raspravi niko nije učestvovao.

Sa 68 glasova za, bez glasova protiv i dva uzdržana glasa, Predstavnički dom donio je Odluku o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja FBiH za 2023. godinu, izmjene i dopune Finansijskog plana Federalnog fonda solidarnosti za 2023. godinu (Anex I) i Odluku o načinu izvršavanja rebalansa Finansijskog plana Zavoda zdravstvenog osiguranja i reosiguranja FBiH za 2023. godinu.

Potpredsjedavajuća je zaključila rad 8. vanredne sjednice u 03.11.

Transkript i prijepis transkripta čine sastavni dio Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

PREDSJEDAVAJUĆA
PREDSTAVNIČKOG DOMA
PARLAMENTA FEDERACIJE BIH

Mirjana Marinković-Lepić

